

L I G J
Nr. 8894, datë 14.5.2002

PËR AGJENCINË E TRAJTIMIT TË KREDIVE

(Ndryshuar me ligjin nr. 9099, datë 3.7.2003; nr. 9239, datë 10.6.2004; nr. 9417, datë 20.5.2005)

(i përditësuar)

Në mbështetje të neneve 78, 81 pika 1 dhe 83 pika 1 të Kushtetutës, me propozimin e Këshillit të Ministrave,

K U V E N D I

I REPUBLIKËS SË SHQIPËRISË
V E N D O S I:

Neni 1

(Shtuar fjali me ligjin nr. 9099, datë 3.7.2003)

Qëllimi i këtij ligji është vendosja e rregullave për trajtimin e kredive të transferuara nga bankat tregtare të nivelit të dytë, me kapital tërësisht shtetëror, që më poshtë do të quhen “bankat”, tek Agjencia e Trajtimit të Kredive, që më poshtë do të quhet “Agjencia”, si dhe mënyra e drejtimit të kësaj Agjencie. Agjencia e Trajtimit të Kredive, në përputhje me përcaktimet e bëra në këtë ligj, trajton edhe portofolin e investimeve të kryera në banesa nga shoqëria INSIG sha.

Neni 2

Për qëllime të këtij ligji, termat “aset” ose “asete” kanë kuptimet e mëposhtme:

a) Një pretendim për kredinë, duke përfshirë të gjitha mjetet e garancisë për sigurimin e detyrimit përkundrejt të gjithë personave fizikë a juridikë, nëse ata janë të regjistruar ose në regjistrim e sipër në datën e hyrjes në fuqi të këtij ligji, si dhe ato të zotëruara nga Agjencia në mbështetje të nenit 3 të këtij ligji, përfshirë shumën e principalit dhe të interesave të llogaritur për një pretendim të tillë.

b) Pasuritë e luajtshme ose të paluajshme, që Agjencia i ka marrë në mbështetje të nenit 3 të këtij ligji.

Neni 3

1. Kreditë, asetet, pasivet dhe kapitali i Agjencisë së Trajtimit të Kredive, të marra prej saj, në mbështetje të ligjit nr.8339, datë 30.4.1998 “Për Agjencinë e Trajtimit të Kredive”, me hyrjen në fuqi të këtij ligji, i kalojnë kësaj Agjencie.

2. Agjencia është pronare edhe për pasuritë, të cilat mund të jenë vendosur nga debitorët si mjete garancie për sigurimin e kredive e që i janë transferuar kësaj Agjencie së bashku me kreditë nga bankat, kur këto pasuri i kalojnë në favorin e saj si kreditorë, sipas dispozitave ligjore në fuqi.

Neni 4

Agjencia është person juridik publik, me seli në Tiranë dhe e zhvillon veprimtarinë e

vet në përputhje me dispozitat e këtij ligji dhe me legjislacionin në fuqi.

Neni 5

Agjencia ka për objekt të veprimtarisë:

1. Të shërbejë si instrument i trajtimit të të gjitha pasurive në pronësi të saj. Për këtë qëllim Agjencia kryen të gjitha veprimet e mëposhtme:

a) ripagimin nga ana e debitorëve ose nga ndonjë person tjetër të të gjithë ose të një pjese të kredisë së marrë prej saj nga bankat;

b) ndryshimin e termave të kredisë, që rrjedhin nga marrëveshja e lidhur për këtë qëllim ndërmjet bankës dhe debitorit;

c) shitjen e sendeve të luajtshme ose të paluajtshme personave të tretë fizikë a juridikë me kapital joshtetëror ose të kontrolluar nga shteti;

ç) arkëtimin e pretendimeve kundrejt debitorëve, me të cilin kuptohet shitja e kolateraleve të lëna peng nga debitori personave fizikë a juridikë, me kapital joshtetëror ose të kontrolluar nga shteti.

2. Të arkëtojë në favor të shtetit fondet e parashikuara në pikën 1 të këtij neni.

Neni 6

1. Agjencia kryen të gjitha veprimet ligjore që rrjedhin nga Kodi Civil, Kodi i Procedurës Civile dhe nga aktet ligjore në fuqi për falimentimin ose barrët siguruese, për realizimin e objektit të veprimtarisë së vet, të parashikuara në pikën 1 të nenit 5 të këtij ligji. Agjencia ka të drejtë të kërkojë nga organet gjyqësore fillimin e procedurave të falimentimit ose të likuidimit kundrejt personave fizikë a juridikë, ndaj të cilëve ajo ka pretendime për përmbushjen e një detyrimi.

2. Për të përmbushur qëllimin e objektit të veprimtarisë së vet, sipas parashikimeve të nenit 5 të këtij ligji, Agjencia gëzon të gjitha të drejtat që i takojnë nga aktet ligjore në fuqi për kreditorët bankarë dhe jobankarë, si dhe të drejtat e veçanta të dhëna nga ky ligj.

Neni 6/1

(Shtuar me ligjin nr. 9417, datë 20.5.2005)

Agjencia pagan taksën për veprimet që kryhen nga përmbaruesi gjyqësor në fund të ekzekutimit dhe në raport me shumën e ekzekutuar.

Agjencia përjashtohet nga taksat për veprimet që kryhen nga zyrat e regjistrimit të pasurive të paluajtshme dhe të luajtshme.

Neni 7

(Shtuar fjali me ligjin nr. 9417, datë 20.5.2005)

Agjencia ka të drejtë t'ua shesë asetet e veta personave fizikë a juridikë, kur këta të fundit nuk janë në pronësi shtetërore ose kur nuk janë të kontrolluar nga shteti. Agjencia ka të drejtën e kalimit kapital të aseteve të veta, sipas dispozitave ligjore në fuqi. Pretendimet e Agjencisë kundrejt debitorit, detyrimi i të cilit është shitur nga Agjencia, i kalojnë blerësit të asetit, së bashku me të gjitha të drejtat që Agjencia ka pasur mbi të.

Neni 8

Debitorët e bankës do të vlerësohen si debitorë të Agjencisë për të gjitha kreditë e

transferuara asaj, sipas këtij ligji dhe kjo e fundit gëzon të drejtat që banka ka pasur mbi debitorin, e cila zotëronte një aset të tillë, duke përfshirë edhe ndryshimet që banka mund t'i ketë bërë, me marrëveshje ndërmjet debitorit dhe asaj, përpara datës kur kredia është transferuar në pronësi të Agjencisë. Agjencia ka të drejtë të bëjë ndryshime në marrëveshjen e kredisë së transferuar asaj me debitorin, ndryshime që mund të përfshijnë:

- a) zgjatjen e afatit të ripagesës së kredisë;
- b) faljen e së tërës ose të një pjese të detyrimeve të prapambetura për kamatëvonesat ose për gjrobat;
- c) shumat e interesave për principalin e kredisë;
- ç) ndryshimin e kushteve të kredisë në tërësi ose të pasurive të lëna si masë siguruese nga debitori;
- d) shlyerjen e kredisë ndërmjet marrjes së pasurive të luajtshme ose të paluajtshme, të lëna si garanci ose siguri për përmbushjen e kredisë.

Neni 9

1. Agjencia ka të drejtë, pas marrjes së aseteve në pronësi të vet nga bankat, sipas parashikimeve të këtij ligji, të pranojë zëvendësimin e debitorit në përputhje me nenet 496, 497 e 498 të Kodit Civil, në rast se një zëvendësim i tillë është në interes të shlyerjes së kredisë.

2. Në rast se Agjencia pranon zëvendësimin e debitorit, ajo ka të drejtë të kërkojë nga debitori i ri vendosjen e garancive të reja për shlyerjen e kredisë në ato raste kur garancitë e dhëna nga debitori i parë nuk kanë qenë të barasvlershme për shlyerjen e detyrimit. Në të gjitha rastet kur pranohet zëvendësimi i debitorit, sipas këtij neni, sendet e vendosura si garanci ose garancitë e tjera, të dhëna nga debitori i parë, mbeten në favor të Agjencisë për aq kohë sa pretendimi të jetë shlyer, në përputhje me marrëveshjen e lidhur ndërmjet Agjencisë dhe debitorit të ri, me qëllim ripagimin e detyrimeve që rrjedhin nga kredia.

Neni 10

Lista e debitorëve të Agjencisë, që janë jashtë afateve të përmbushjes së detyrimit, publikohet në një gazetë me qarkullim kombëtar, të paktën një herë në tre muaj. Publikimi duhet të përmbajë emrin e debitorit, adresën e fundit të njohur dhe vlerën e përgjithshme të azhurnuar të shumës së pretenduar ndaj tij.

Neni 11

Organet drejtuese të Agjencisë janë:

Këshilli Mbikëqyrës;

Drejtoria;

Këshilli i Investimeve.

Neni 12

1. Këshilli Mbikëqyrës përbëhet nga 5 anëtarë, nga të cilët njëri caktohet nga Banka e Shqipërisë, një tjetër nga Ministri i Financave dhe tre anëtarët e tjerë caktohen nga Këshilli i Ministrave. Anëtarët e Këshillit Mbikëqyrës caktohen për një periudhë kohore trevjeçare.

2. Anëtarët e Këshillit Mbikëqyrës të Agjencisë duhet të plotësojnë kushtet e mëposhtme:

- a) të jenë specialistë të fushës së financave, të kontabilitetit ose të drejtësisë;
- b) të kenë arsimin e lartë;

c) të mos jenë anëtarë të ndonjë organi statutor të bankave të nivelit të dytë, me seli në Republikën e Shqipërisë;

ç) të mos jenë të punësuar, pronarë ose bashkëpronarë, si dhe anëtarë të organeve statutore të ndonjë banke, me seli në Republikën e Shqipërisë;

d) të mos jenë gjykuar ndonjëherë për falimentim ose për paaftësi pague;e;

dh) të mos kenë pengesa për të qenë të punësuar në shërbimin civil, sipas legjislacionit në fuqi;

e) të mos jenë përjashtuar më parë nga shërbimi civil.

3. Anëtari i emëruar nga Ministri i Financave ka cilësinë e Kryetarit të Këshillit Mbikëqyrës, ndërsa anëtari i emëruar nga Banka e Shqipërisë ka cilësinë e Zëvendëskryetarit të këtij Këshilli.

4. Anëtarët e Këshillit Mbikëqyrës përgjigjen materialisht në rast se me vendim gjykatë të formës së prerë shpallen fajtorë për shkaktimin e ndonjë humbjeje të Agjencisë, si pasojë e veprimeve ose mosveprimeve të fajshme gjatë ushtrimit të funksioneve të përcaktuara në këtë ligj ose si rezultat i marrjes pjesë në vepra penale kundrejt Agjencisë.

5. Organi, që ka emëruar personin anëtar të Këshillit Mbikëqyrës të Agjencisë, ka të drejtë ta largojë atë para mbarimit të mandatit.

Neni 13

1. Mbledhjet e Këshillit Mbikëqyrës mbahen në selinë e Agjencisë të paktën një herë në muaj. Mbledhje jashtë radhe bëhen vetëm me kërkesë të Kryetarit të këtij Këshilli ose me kërkesë me shkrim të jo më pak se të dy anëtarëve të Këshillit Mbikëqyrës.

2. Në rast se një anëtar i Këshillit Mbikëqyrës nuk merr pjesë në më shumë se tri mbledhje radhazi ose në 75 për qind të mbledhjeve të Këshillit Mbikëqyrës gjatë një viti, ai përjashtohet nga ky Këshill dhe organi që ka bërë emërimin e tij cakton menjëherë zëvendësuesin.

3. Materialet që do të diskutohen në mbledhjet e Këshillit Mbikëqyrës përcaktohen nga Kryetari i këtij Këshilli në bazë të propozimeve me shkrim të Drejtorisë së Agjencisë. Në mungesë të Kryetarit listën e materialeve që do të diskutohen në mbledhje e përcakton Zëvendëskryetari i tij. Në rast se Kryetari dhe Zëvendëskryetari mungojnë, atëherë listën e materialeve dhe rendin e ditës e cakton njëri nga anëtarët me moshë më të madhe.

4. Këshilli Mbikëqyrës i merr vendimet me shumicën e thjeshtë të votave të anëtarëve. Në rastin e barazimit të votave, vota e Kryetarit është përcaktuese.

5. Këshilli Mbikëqyrës i zhvillon mbledhjet në rast se janë të pranishëm të paktën tre anëtarë të tij, dy nga të cilët të jenë të emëruar nga Këshilli i Ministrave.

Neni 14

1. Këshilli Mbikëqyrës i Agjencisë është përgjegjës për drejtimin e Agjencisë dhe përgjigjet përpara Këshillit të Ministrave. Këshilli Mbikëqyrës raporton me shkrim çdo gjashtë muaj përpara Këshillit të Ministrave.

2. Këshilli Mbikëqyrës ka këto kompetenca:

a) emëron anëtarët e Drejtorisë dhe të Këshillit të Investimeve, si dhe lidh kontratat e punës me ta;

b) emëron Drejtorin dhe zëvendësdrejtorët e Drejtorisë dhe Kryetarin e zëvendëskryetarët e Këshillit të Investimeve;

c) është përgjegjës për mbikëqyrjen dhe kontrollin e veprimeve të kryera nga Agjencia dhe të vendimeve të marra nga Drejtoria, sipas kompetencave të dhëna nga Këshilli Mbikëqyrës;

ç) përcakton llojin e vendimeve të Drejtorisë, që duhet të shqyrtohen nga Këshilli i Investimeve, si dhe afatet e procedurat përkatëse;

d) siguron që llogaritë financiare të Agjencisë të kontrollohen jo më pak se një herë në vit nga një shoqëri ndërkombëtare kontabël, e licencuar për të ushtruar veprimtarinë e vet në Republikën e Shqipërisë. Siguron, gjithashtu, që kontrollet të kryhen në bazë të standardeve ndërkombëtare të kontabilitetit dhe të kontroll-revizionit;

dh) miraton buxhetin vjetor të Agjencisë dhe mbikëqyr e kontrollon përdorimin e fondeve financiare për shpenzimet operative;

e) ka përgjegjësi në marrjen e vendimeve për përmbushjen e detyrimeve të parashikuara në nenin 5 të këtij ligji.

Neni 15

1. Drejtoria e Agjencisë përbëhet nga tre (3) anëtarë të emëruar nga Këshilli Mbikëqyrës, nga të cilët njëri prej tyre caktohet Drejtor i Përgjithshëm i Agjencisë dhe dy të tjerët caktohen zëvendës drejtorë të përgjithshëm.

2. Anëtarët e Drejtorisë duhet të përmbushin kriterin e anëtarësisë së Këshillit Mbikëqyrës, sipas parashikimeve të nenit 12 të këtij ligji.

3. Anëtarët e Drejtorisë punësohen nga Këshilli Mbikëqyrës me kontratë pune. Kontrata e punës duhet të paktën të përmbajë:

a) afatin kohor, jo më shumë se një vit, dhe mundësinë e përsëritjes në varësi të rezultatit;

b) masën e shpërblimit, e cila nuk duhet të jetë më shumë se pesëdhjetë (50) për qind e pagës, sipas suksesit që Agjencia do të ketë në shlyerjen e aktiveve, përkundrejt objektivave të vënë nga Këshilli Mbikëqyrës për çdo vit;

c) zgjidhjen e menjëhershme të kontratës, pa asnjë kompensim, për çdo shkelje të rregullave të sjelljes.

4. Anëtarët e Drejtorisë mbajnë përgjegjësi për veprimet ose mosveprimet e tyre, të kryera gjatë ushtrimit të detyrës, njësoj siç parashikohet në pikën 4 të nenit 12 të këtij ligji.

Neni 16

Drejtoria është përgjegjëse për ushtrimin e funksioneve të ngarkuara. Këshilli Mbikëqyrës mund të ndryshojë, të revokojë ose të shtojë përgjegjësitë, detyrat dhe autoritetet e Drejtorisë, kur e gjykon të arsyeshme.

Neni 17

Drejtoria është e detyruar të informojë Këshillin Mbikëqyrës çdo muaj. Ajo është e detyruar të japë çdo të dhënë që lidhet me veprimtarinë e Agjencisë, në formën dhe mënyrën e kërkuar nga Këshilli Mbikëqyrës.

Neni 18

1. Këshilli i Investimeve përbëhet nga tre (3) anëtarë, që emërohen nga Këshilli Mbikëqyrës. Një anëtar emërohet Kryetar dhe një tjetër Zëvendëskryetar.

2. Anëtarët e Këshillit të Investimeve duhet të jenë specialistë në fushën e bankave dhe të financës.

3. Anëtarët e Këshillit të Investimeve duhet të përmbushin kriteret e përcaktuara në

nenin 12 të këtij ligji.

4. Anëtarët e Këshillit të Investimeve shpërblehen për punën e tyre, sipas normës që do të vendoset nga Këshilli Mbikëqyrës.

Neni 19

1. Mbledhjet e Këshillit të Investimeve mbahen në selinë e Agjencisë në Tiranë. Ky Këshill mbledhet një herë në javë. Mbledhjet jashtë radhe të Këshillit mund të mbahen me vendim të Kryetarit ose me kërkesën me shkrim të jo më pak se dy anëtarëve të këtij Këshilli.

2. Çdo anëtar i Këshillit të Investimeve, i cili nuk merr pjesë në tri mbledhje radhazi të Këshillit të Investimeve ose që nuk merr pjesë në shtatëdhjetë e pesë (75) për qind të mbledhjeve të Këshillit të Investimeve gjatë një viti, zëvendësohet me një anëtar tjetër që e cakton Këshilli Mbikëqyrës.

3. Rendi i ditës i mbledhjeve të Këshillit të Investimeve vendoset nga Kryetari me sugjerimin e anëtarëve të tjerë të Këshillit të Investimeve.

4. Këshilli i Investimeve merr vendime me shumicën e thjeshtë të votave. Në rast të një barazie votash, vota e Kryetarit është përcaktuese.

5. Mbledhjet e Këshillit të Investimeve janë të vlefshme kur në to merr pjesë Kryetari i Këshillit dhe një anëtar i tij.

Neni 20

1. Qëllimi i Këshillit të Investimeve është të sigurojë kontrollin në nivel specialistësh të pavarur të vendimeve të Drejtorisë së Agjencisë, si dhe sigurimin e një burimi ekspertize dhe këshillimi për interesat e Drejtorisë dhe të Këshillit Mbikëqyrës gjatë veprimtarisë së tyre.

2. Këshilli i Investimeve është përgjegjës për kontrollin e të gjitha vendimeve të propozuara nga Drejtoria për aktivet e Agjencisë, kur vlera kontabël është pesëqind mijë (500 000) lekë e lart, si dhe për çdo vendim tjetër, që përcaktohet për shqyrtim nga Këshilli Mbikëqyrës.

3. Në rastin kur Këshilli i Investimeve bie dakord me vendimin e propozuar nga Drejtoria, atëherë vendimi i Drejtorisë është i zbatueshëm.

4. Në rastin kur Këshilli i Investimeve nuk bie dakord me vendimin e propozuar nga Drejtoria, atëherë ky vendim nuk mund të jetë i vlefshëm, derisa të ndryshohet, brenda 30 ditëve, në mënyrë që të bjerë dakord edhe Këshilli i Investimeve.

5. Në rastin kur Drejtoria nuk bie dakord me mendimin e Këshillit të Investimeve, që jepet në përputhje me shkronjën “c” të këtij neni, atëherë Drejtoria ka të drejtë t’i kërkojë Këshillit Mbikëqyrës të marrë një vendim në mbështetje të propozimit të saj. Vendimi i Këshillit Mbikëqyrës është përfundimtar dhe i detyrueshëm për zbatim.

Neni 21

1. Brenda 60 ditëve nga hyrja në fuqi e këtij ligji Drejtoria i paraqet për miratim Këshillit Mbikëqyrës rregulloren “Rregullat e sjelljes”, që hyjnë në fuqi për t’u zbatuar brenda 30 ditëve nga data e miratimit të tyre.

2. Anëtarët e Këshillit Mbikëqyrës dhe të Drejtorisë, si dhe të punësuarit e Këshillit të Investimeve duhet të zbatojnë rregulloren “Rregullat e sjelljes”, të miratuar me vendim të Këshillit Mbikëqyrës.

3. Këshilli Mbikëqyrës është organi që zbaton masat disiplinore të shkeljeve të parashikuara nga rregullorja “Rregullat e sjelljes” dhe krijon procedura dhe mekanizma që:

a) të administrojë veprimet dhe hyrjen në fuqi të rregullores “Rregullat e sjelljes” në një mënyrë të drejtë;

b) të lejojë publikun të paraqesë raportime për shkeljet e rregullores “Rregullat e sjelljes” nga punonjësit e Agjencisë dhe për veprime të ndryshme të Agjencisë.

Neni 22

1. Me përjashtim të rasteve të parashikuara në pikën 2 të këtij neni, të gjitha fondet e mbajtura ose të arkëtuara nga Agjencia derdhen në favor të Buxhetit të Shtetit në fund të muajit, kur ato arkëtohen.

2. Agjencia mban në llogaritë e veta fonde të barabarta në vlerë me një të katërtën e buxhetit operativ vjetor të Agjencisë, të miratuar nga Këshilli Mbikëqyrës.

Neni 22/1

(Shtuar me ligjin nr. 9239, datë 10.6.2004)

1. Detyrimet e ndërmarrjeve shtetërore të privatizuara dhe të dhëna me koncesion, sipas akteve ligjore dhe nënligjore në fuqi, si dhe detyrimet e ish-ndërmarrjeve shtetërore, që nuk ekzistojnë dhe pa dokumentacion, që përcaktohen në aneksin 1 bashkëlidhur këtij ligji, fshihen nga bilanci i Agjencisë së Trajtimit të Kredive.

2. Detyrimet e mësipërme me vlerë të përgjithshme 6 063 088 mijë lekë kalojnë në pakësim të detyrimeve të Agjencisë së Trajtimit të Kredive ndaj Ministrisë së Financave.

Neni 23

(Ndryshuar fjalia e fundit e pikës 2 me ligjin nr. 9099, datë 3.7.2003)

1. Agjencia do ta ushtrojë veprimtarinë deri më 31 dhjetor 2005. Këshilli i Ministrave ka të drejtë të vendosë mbylljen e Agjencisë edhe përpara kësaj date mbi bazën e propozimit të Këshillit Mbikëqyrës, të paraqitur nëpërmjet Ministrit të Financave.

2. Me hyrjen në fuqi të këtij ligji, të gjitha aktivet e Agjencisë, të cilat janë në formën e detyrimeve kundrejt debitorëve të ndryshëm, shndërrohen në formën e kërkesave të Republikës së Shqipërisë. Këto kërkesa i kalojnë Ministrisë së Financave, e cila, pas përfundimit të afatit të veprimtarisë së Agjencisë së Trajtimit të Kredive, i propozon Këshillit të Ministrave mënyrën e menaxhimit të pjesës së mbetur.

Neni 24

Ligji nr.8339, datë 30.4.1998 “Për Agjencinë e Trajtimit të Kredive”, ndryshuar me ligjin nr.8584, datë 15.3.2000, shfuqizohet.

Neni 25

Ky ligj hyn në fuqi 15 ditë pas botimit në Fletoren Zyrtare.

Shpallur me dekretin nr. 3351, datë 30.5.2002 të Presidentit të Republikës së Shqipërisë, Rexhep Meidani

(Shtuar tabelat me ligjin nr. 9239, datë 10.6.2004)

AGJENCIA E TRAJTIMIT TE KREDIVE							
KREDI TE AKORDUARA PER SEKTORIN PUBLIK (Ndermarjet shtetore) TE TRANSFERUARA NE ATK							
Nr	Emertimi i ndermarjes	Rrethi	Banka qe ka dhene huane	Burimi i financimit	Detyrimi i transferuar nga banka ne 000/leke		
					Gjithsej	Principal	Interes
A	B	1	2	3	4=5+6	5	6
I	NDERMARJE TE PRIVATIZUARA DHE TE DHENA ME KONCENSION						
1	ND. E PRODH. SIXHADEVE	KORCE	BKT	Fondet e veta	3.453	0	3.453
2	ND. GRUMBULIM PERP. DUHANI	LUSHNJE	BKT	Fondet e veta	588	0	588
3	ND. PRODH. BLOQE BETONI	TIRANE	BKT	Fondet e veta	367	108	259
4	ND. ETERO-VAJORE	KUCOVE	BK	Fondet e veta	237	200	37
5	NDERMARJA ARTISTIKE	KRUJE	BK	Fondet e veta	682	210	472
6	ND. AGRO-TREGTARE	KUCOVE	BK	Fondet e veta	475	401	74
7	ND. BAZA TREGTARE E USHQIMIT	LUSHNJE	BKT	Fondet e veta	533	408	125
8	NDERMARJA QILIMAVE	KRUJE	BK	Fondet e veta	2.169	496	1.673
9	ND. PRODH. LENDE NGJITSE	TIRANE	BKT	COM-AID-III	770	770	0
10	ND. G. P. QUMESHTIT	VLORE	BKT	Fondet e veta	5.880	987	4.893
11	ND. MEKANIZIMIT BUQESISE	KORCE	BKT	Kredi Greke	1.849	1.849	0
12	ND. PERPUNIM DRURI	LUSHNJE	BKT	Fondet e veta	2.319	1.859	460
13	ND. RRITJE ZENIE PESHKU	DURRES	BKT	Fondet e veta	11.365	2.047	9.318
14	ND. NDERTIMIT (KANTIERI ELBASAN)	TIRANE	BKT	Fondet e veta	6.383	2.261	4.122
15	FABRIKA E GELQIT	TIRANE	BKT	Fondet e veta	14.951	2.814	12.137
16	ND. GRUMB. PERPUNIMIT TE BIMEVE	GJIROKASTER	BKT	Fondet e veta	3.070	2.954	116
17	ND. E NDERTIMIT	KRUJE	BK	Fondet e veta	2.957	2.957	0
18	UZINA METALIKE	GJIROKASTER	BKT	COM-AID-III	3.876	3.876	0
19	ND. RRITJES SHPEND (mish, Mlize)	ELBASAN	BKT	Fondet e veta	5.054	4.544	510
20	ND. BUKES (grumb. perp drithi)	PEQIN	BKT	Kredi Greke	10.070	4.611	5.459
21	ND. BUKES	PERMET	BKT	Kredi Greke	5.308	5.308	0
22	ND. RRITJES SHPEND (veze, Mlize)	ELBASAN	BKT	Fondet e veta	8.948	5.482	3.466
23	ND. RRITJES SHPEND, Shushice	ELBASAN	BKT	Fondet e veta	8.931	7.909	1.022
24	ND. PIJE-BIRRA	VLORE	BKT	Fondet e veta	40.983	9.109	31.874
25	ND. PRODH. BUKES	KUCOVE	BKT	Kredi Greke	24.532	10.023	14.509
26	ND. E GOMES	DURRES	BKT	COM-AID-III	10.144	10.144	0
27	ND. GOMES 1	DURRES	BKT	Com. aid. I+II	19.639	19.639	0
28	ND. GOMES "KOZMA NUSHI"	DURRES	BKT	Com. aid. I+II	35.202	35.202	0
29	ND. E FURNIZIMIT TE PUNETOREVE	LUSHNJE	BKT	Fondet e veta	588	562	26
30	ALBKOP	TIRANE	BKT	Kredi Turke	4.158	4.158	0
31	EKSIMAGRA	TIRANE	BKT	Kredi Turke	185.694	185.694	0
32	EKSIMAGRA	TIRANE	BKT	Kredi Italiane	380.407	380.407	0
33	ND. NDERTIMIT	KUKES	BK	Fondet e veta	4.092	783	3.309
34	ND. BIME ESENCA	KUKES	BK	Fondet e veta	13.483	5.027	8.456
35	ND. RIPARIM SHERBIME, SHUAK	DURRES	BKT	Fondet e veta	306	0	306
36	ND. GRUMB. PERPUNIM QUMESHT	DURRES	BKT	Fondet e veta	8.843	1.440	7.403
37	DEGA E LIBRIT	DURRES	BKT	Fondet e veta	285	52	233
38	INDUSTRIAL IMPEKS	TIRANE	BKT	COM-AID-III	8.894	8.894	0
39	ARTEKSPORTIMPORT	TIRANE	BKT	COM-AID-III	14.727	14.727	0
40	INDUSTRIAL IMPEKS	TIRANE	BKT	Kredi Italiane	123.186	123.186	0
41	INDUSTRIAL IMPEKS	TIRANE	BKT	Kredi Turke	205.102	205.102	0
42	ARTEKSPORTIMPORT	TIRANE	BKT	Kredi Turke	235.725	235.725	0
43	ARTEKSPORTIMPORT	TIRANE	BKT	Kredi Italiane	1.036.459	1.036.459	0
44	UZINA E SUPERFOSFATIT	LAC	BKT	COM-AID-III	3.666	3.666	0
45	ALBKROMI	TIRANE	BKT	Fondet e veta	175.658	57.009	118.649
46	KORPORATA E ALBAKRIT	TIRANE	BKT	Fondet e veta	60.572	45.000	15.572
	SHUMA E GRUPIT TE PARE				2.692.580	2.444.059	248.521

II	NDERMARJE QE NUK EKZISTOJNE DHE TE TRSANSFERUARA PA DOKUMENTACION							
1	TRANSSHQIPI	TIRANE	BKT	Kredi Italiane	42.271	42.271	0	pa ak
2	TRANSSHQIPI	TIRANE	BKT	Kredi Turke	305.170	305.170	0	pa ak
3	MAKINAIMPEKS	TIRANE	BKT	COM-AID-II	13.200	13.200	0	pa ak
4	MINERGOIMPEKS	TIRANE	BKT	COM-AID-III	4.985	4.985	0	pa ak
5	MINERGOIMPEKS	TIRANE	BKT	Kredi Italiane	88.709	88.709	0	pa ak
6	MINERGOIMPEKS	TIRANE	BKT	Kredi Turke	296.517	296.517	0	pa ak
7	MAKINAIMPEKS	TIRANE	BKT	Kredi Italiane	14.680	14.680	0	pa ak
8	MAKINAIMPEKS	TIRANE	BKT	Kredi Greke	45.307	45.307	0	pa ak
9	MAKINAIMPEKS	TIRANE	BKT	Kredi Turke	64.342	64.342	0	pa ak
10	ALIMPEKS	TIRANE	BKT	Kredi Turke	24.078	24.078	0	pa ak
11	ALIMPEKS	TIRANE	BKT	Kredi Greke	88.621	88.621	0	pa ak
12	ALIMPEKS	TIRANE	BKT	Kredi Italiane	264.223	264.223	0	pa ak
13	ALMENDIPEKSI	TIRANE	BKT	Kredi Turke	85.883	85.883	0	pa ak
14	MEKALB	TIRANE	BKT	Kredi Italiane	133.943	133.943	0	pa ak
15	MEKALB	TIRANE	BKT	Kredi Turke	133.944	133.944	0	pa ak
16	MANDIMPEKS	TIRANE	BKT	Kredi Italiane	387.314	387.314	0	pa ak
17	TRANSIMPEKS	TIRANE	BKT	Kredi Italiane	927.606	927.606	0	pa ak
18	ND. SHPERND. LIBRIT, DEGA TIRANE	TIRANE	BKT	Fondet e veta	18.021	5.342	12.679	10/8/
19	NEFINK	TIRANE	BKT	Kredi Austriake	249.685	249.685	0	pa ak
20	ND. PERBASHKET CAM-TOYS	TIRANE	BKT	Fondet e veta	620	391	229	akt-d
21	ND. SHPERND. PJESE NDERRIMIT	TIRANE	BKT	Fondet e veta	34.407	8.485	25.922	31/08
22	ND. PERP. DRURIT (nd.shfrytezimit pyjor)	SHKODER	BKT	Fondet e veta	2.852	2.718	134	7.3.19
23	ND. UZINA PRODHIM AUTOBUZA	SHKODER	BKT	Fondet e veta	2.972	2.254	718	29/04
24	ND. FURNIZIMIT PUNETOREVE. GOLAJ	HAS	BK	Fondet e veta	11	8	3	30/04
25	KUKES-IMPEKS	KUKES	BK	Fondet e veta	369	201	168	13/04
26	KUKES-IMPEKS	KUKES	BK	Fondet e veta	7.020	2.890	4.130	1.5.19
27	ND. SHFRYTEZIMI PYJOR	KUKES	BK	Fondet e veta	653	0	653	marre
28	UZINA BAKRIT KUKES	KUKES	BK	Fondet e veta	656	0	656	marre
29	DEGA E LIBRIT	KUKES	BK	Fondet e veta	768	276	492	marre
30	ND. PRODHIMEVE TE DYTA	BULQIZE	BK	Fondet e veta	578	340	238	marre
31	ND. MEKANIZIMIT BUJQESISE	FIER	BKT	Kredi Greke	850	850	0	marre
32	MINIERA KROMIT KAM	TROPOJE	BK	Fondet e veta	1.689	1.100	589	marre
33	ND. MEKANIZIMIT BUJQESISE	ELBASAN	BKT	Kredi Greke	1.291	1.291	0	marre
34	NDERMARJA BUKES	HAS	BKT	Kredi Greke	4.422	4.422	0	marre
35	ND. E MEKNIZMIT BUJQESISE	TIRANE	BKT	Kredi Greke	24.645	24.645	0	pa ak
36	ND. UZINA E PLASMASIT	LUSHNJE	BKT	COM-AID-III	5.046	5.046	0	20/11
37	AGROIMPORT	DURRES	BKT	COM-AID-II	73.668	73.668	0	14/09
38	ND. PRODHIM VESHJE NR. 1	TIRANE	BKT	Kredi Italiane	19.492	19.492	0	22/07
	SHUMA E GRUPIT TE DYTE				3.370.508	3.323.897	46.611	
	TOTALI (Grupi I-re dhe i II-Ite)				6.063.088	5.767.956	295.132	

